



10

DEKLARATA E TË DREJTAVE

I dorëzohet një personi të vendosur në ndalim të përkohshëm në kuadrin e një procedure paraqitjeje të menjëhershme ose një paraqitjeje me procesverbal pas anulimit të kontrollit gjyqësor

Ju jeni i ndjekur penalisht nga një gjykatë penale dhe jeni vendosur në ndalim të përkohshëm deri në datën e seancës në të cilën ju do të gjykoheni për faktet për të cilat ju akuzoheni. Ky dokument përfshin të drejtat kryesore që ju gëzoni.

Ju mund të ruani këtë dokument gjatë gjithë kohëzgjatjes së paraburgimit të përkohshëm

Njohja e shkeljes

Ju keni të drejtë të njihni kualifikimin datën dhe vendin e kryerjes së veprës penale për të cilën ju ndiqeni penalisht dhe arsyet justifikuese të vendosjes suaj në ndalim të përkohshëm.

Asistenca nga një avokat

Ju mund të kërkonti të asistoheni nga një avokat i zgjedhur prej jush ose i caktuar automatikisht.

Ju jeni i lirë të komunikoni apo të jeni në kontakt me shkrim me avokatin tuaj dhe ky i fundit mund t'ju asistojë në seancë për të cilën duhet të lajmërohet.

E drejta për të ruajtur heshtjen

Përpara gjykatës, ju mund të zgjidhni të jipni deklaratën, t'i përgjigjeni pyetjeve që do t'ju drejtohen ose të heshtni.

Asistenca e përkthyesit

Nëse ju nuk e flisni apo nuk e kuptoni frëngjishten, keni të drejtën të kërkonti asistencë falas nga një përkthyes gjatë marrjes suaj në pyetje dhe për të komunikuar me avokatin tuaj.

E drejta për të kërkuar lirim tuaj

Në çdo moment ju mund t'i kërkonti gjykatës lirim tuaj.

Kohëzgjatja e heqjes së lirisë

Ndalimi juaj i përkohshëm do të zgjasë deri në datën e paraqitjes suaj ose të paraqitjes suaj së mëpasshme përpara gjykatës penale.

Nëse jeni vendosur në ndalim të përkohshëm nga gjyqtari (i lirive dhe i ndalimit) në kuadrin e një procedure paraqitjeje të menjëhershme, ky ndalim nuk mund të zgjasë më shumë se tre ditë pune.

Nëse jeni vendosur në ndalim të përkohshëm nga gjyqtari (i lirive dhe i ndalimit) për shkak të mosrespektimit të kontrollit gjyqësor të urdhëruar në pritje të paraqitjes suaj përpara gjykatës penale, ky ndalim mund të tejkalohet dy muajshin

Nëse jeni vendosur në ndalim të përkohshëm nga gjykata penale që e ka dërguar dosjen tuaj në një seancë të mëtejshme, ndalimi juaj nuk mund të tejkalohet një kohëzgjatje prej gjashtë javësh, ose një kohëzgjatje prej katër muajsh nëse kundërvajtja penale që ju atribuohet ndëshkohet me më shumë se shtatë vjet burg.

Informimi i personave të caktuar

Ju keni të drejtën të informoni personat që ju dëshironi, dhe sidomos anëtarët e familjes suaj, për ndalimin e përkohshëm, subjekt i të cilit ju jeni.

Ju gjithashtu mund të informoni autoritetet konsullore të vendit tuaj nëse keni kombësi të huaj.

Vizita nga një mjek

Ju mund të kërkonit të vizitoheni nga një mjek.

Qasja në dosjen tuaj

Avokati juaj ka qasje në dosjen tuaj dhe mund të kërkojë një kopje të saj. Ju keni gjithashtu të drejtë të kërkonit një kopje.